



ル 5
3143
8



門 5
3143
卷 8

懷師縣志卷二十一

翰林院編修孫星衍

偃師縣知縣湯毓傳

同纂

列女傳

漢

蔡氏女玉

列女傳玉為父報仇吏執玉以告令梁配欲論殺玉由
屬蟠時年十五進諫曰玉之節義足以感無耻之孫恐
辱之子不遭明時尚當表旌廬墓况在清聽而不加哀
矜配善其言乃為減死論

懷師縣志

卷二十一

列女傳上

一

唐

畢氏二女唐書畢構傳構繼母喪二妹尚襁褓鞠養歲人及構卒二妹咸持服三年

金

彭氏金史程晉妻寓居開興壬辰兵變軍士驅迫使隨氏給之曰我有若干私藏瘞於家爾可取之願以從行賊拘少憐至井邊罵曰吾良家婦忍自愛其生以汚身耶遂投井死

元

三女哥元史偃師王廷女慶甫從父避兵於山... 涓死事聞旌表

明

江德源妻樊氏生子甫一歲夫歿守志壬辰兵亂氏奉舅姑避居潞州紡績為養養殮洪武初始還年已四十矣舅姑繼歿服衰終其身教子成立事聞旌表

常清妻武氏生子吉二歲夫歿氏年二十五歲遺腹生子祥家貧舅姑在堂紡績奉甘旨夜於寢室外界灰環之晨興視而後出終始不渝及老吉先卒尤貧窘無聊壽九十卒有司旌表

生員李永悅妻宋氏流賊陷城至家索金帛氏曰窮秀才安得有金賊逼之大罵不屈賊怒將刃之氏佯為好言給以後園取金趨至園內投井死子向芝登順治戊戌進士

以上見通志

李保兒妻牛氏洛陽人適保兒未一年夫卒氏矢志不嫁孝事舅姑單衣素食不出閨門者三十二年永樂四年旌表

畧見通志

郭升妻趙氏及笄歸升生子一甫四歲升亡甘貧守節

三十餘年成化十七年旌表

畧見通志

全妻魏氏年二十一夫歿苦節教子居家嚴肅有法

慶卒年八十八正德中旌表子盛歷官太原府同知

生員高綺妻莫氏年二十一綺卒子淮昌方在襁褓氏哀毀欲殉葬舅姑勸而止恣死守節奉舅姑以禮教子尤有義方年六十餘卒奉詔旌表

廩生劉盤妻穆氏年二十四夫故遺孤方三歲姑年篤老動履維艱氏奉姑恤幼慈孝備至家故貧窶值嘉靖七年蝗旱相繼二鬴不給日厭糟糠節益堅年七十五卒嘉靖十四年旌表

席門雙節席玘妻齊氏年十八歸玘二十五歲玘卒哀

毀踰禮朝夕紡績侍舅姑撫孤子江成立聘婦侯氏年十六適江生一女未踰年江亡侯方二十一歲甘心貧餓奉寡姑撫幼女辛苦備嘗人無間言嘉靖十七年有司以姑婦雙節請旌詔表其門

趙鵬妻張氏年二十五歲鵬亡無子一女適監生劉思忠亦早卒氏永志苦節終始無間年六十餘卒有司請詔旌表

舉人趙士悅妻馮氏守節詔旌表

史纂易妻任氏年二十餘夫亡守節六十餘年詔旌表

丁思龍妻宋氏守節旌表建坊

宋桂妻丁氏守節旌表建坊

生員武宏猷妻趙氏夫死守節數十年有司請詔旌表年垂老遭亂以罵賊死

生員王敬輿妻齊氏生子四年二十四歲夫亡苦志守節教子嚴肅後宗顯光顯俱爲諸生德顯登進士官平陸知縣氏卒年七十有一崇禎十五年旌表

庠生齊州雋妻蘭氏衡州知府完樞女治中饋以孝謹聞年三十夫亡遺子方在抱孀姑垂老氏生養死葬咸克如禮丁世亂與子逃難河朔饑殍繼躬自織紵亂

平歸里邑長聞其事於上旌完節云

生員馬攀龍繼室劉氏前室遺子凌霄方六歲龍卒氏
後生遺腹子中霄家道貧窘又遭世亂艱苦備嘗志操
不挫撫凌霄過於己子凌霄事劉亦以孝聞年七十八
卒

芳燦妻康氏崇禎間流賊煽亂氏挈婦王氏孫丑兒
走避河朔將渡河爲賊所及氏懼不免率婦及孫投河
死

張門五節生員張毓粹妻蘭氏生員張一鵬妻席氏弟
婦蘭氏知府完樞次女幼淑慧識大義適毓粹生二子

三女各有室家流賊攻城氏盡櫛更衣盡縫衾衣外束
一帶及城陷賊入室將執氏氏罵曰白璧可碎不受瑕
也以頭撞井石石裂頭破猶不死遂率婦席氏三女二
孫俱投井死死之日黑風大起賊駭懼以石掩井徙其
營見明史忠義傳

喬之賢妻蘓氏貞順和婉以婦德著聞明末寇亂倉卒
遇賊懼見凌逼投井不死見泉傍有崖可依遂伏匿饑
取積苔和泥嚼之閱六晝夜賊去有汲者叩之知爲姪
某某聞氏語亦曰井中者豈六嬖母耶賊去矣遂垂纆
引出知夫已被難乃終身茹素壽逾大耋稱完節焉

生員喬文奎妻薛氏蕙氏之婦年十七于歸恪執婦道
事舅姑以孝聞寇至隨姑避亂相失姑投井氏匿夾溝
洞土窟中賊搜至欲相逼氏曰婦人之義之死靡他寧
向賊子求活耶遂投溝死賊黨嘆息而去
中書姬之簋妻張氏賊破城投井死

段增祉妻黃氏明末寇起增祉殉難死氏肅容整衣家
人問故答以歸寧家人驚曰兵亂父母何在氏不答出
戶莫知所往數日得其屍於井中

喬濟普繼室王氏撫前室子建鴻建偉慈惠備至值明
季亂離建鴻從父避寇他所建偉負氏逃難而行抵

縣瓦屋川會賊太室氏驅俸去俸不肯氏垂涕曰汝速
逃倘得生爲報汝父知吾死所不勝於母子同死乎俸
不得已乃涕泣逃去賊至憐氏少女不加刃擁之上馬
氏大罵投地數四賊知終不可辱乃殺之

萬完積妻張氏賊執積張大罵賊怒夫婦並磔死見

明史忠義傳

王三才妻李氏崇禎間流賊破城氏被執義不受辱罵
賊求死賊不遽殺乘間投井死子鳴鳳官沈邱訓導
生員劉芳名妻張氏聞賊至投井死見明史忠義傳
生員藺瑞徵妻史氏聞賊至投井死

貢生程戴沐妻吳氏寨破氏不屈恐二女受辱攜之投溝死

生員袁本妻尤氏賊破寨引刃自刎死

以上見舊志

王邦紀妻高氏明史忠義傳邦紀與高氏城破罵賊死之

按郡志又有劉邦紀與妻高氏罵賊死之章鉅曰劉邦紀與王邦紀似是一人然明史已載應並存之

戴相妻王氏明解情孝子馬棟廬墓記可為民表揚者廟之於族氏得戴相妻王氏焉

武崇雅妻劉氏見武崇雅傳

國朝

縣生張煜妻史氏巡撫其平子婦也年二十二夫沒時

舅姑衰老二子皆幼氏奉親育孤苦節終身辛巳歲旱

盜起人皆逃竄氏攜老提幼渡河寄居孟縣已復而渡

棲羣縣焦家灣寨備嘗艱辛康熙十年

旌表

牛維義妻楊氏十九歲夫亡奉孀姑撫遺孤守節二十

一年雍正三年

旌表

德縣縣志

列女傳止

七

屏生裴瑄妻王氏二十四歲夫歿守節五十九教二子
孫皆成立卒年八十二歲雍正三年

旌表

袁珣妻孟氏夫故年二十八歲守節五十二年雍正七
年

旌表

烈女楊氏通志假師嚴家女幼喪母父役於外朝夕惟
嫂是依比隣屠戶蕭諒窺女姿色乘雪夜潛入女室持
刃求姦女抵死拒之遂斷頭截指而去邑令驗視獲蕭
將氏法蕭自縊死朱志女現兒頭人言字李有也子未

蕭女歸寧隣屠蕭諒潛入求姦被殺時父宿客即聞女

呼曰蕭諒殺我急趨歸見女已斷頭死右手五指俱落
左手持衣帶如故循雪蹟於蕭室驗衣血執之詣官下
獄自縊死事在康熙三十四年乾隆元年奉

旨闡揚節義邑訓導襄城李緝以女烈狀上之制府奏

請

旌表

以上見通志

王喜妻姚氏夫歿守節治家嚴肅年登百歲精力康強
雍正六年

傳自鼎志 卷二十一
詔旌其閭曰貞壽之門

武建烈妻張氏十七歲于歸八年夫亡矢志守節撫子自後成立雍正十一年

旌表

李經明妻魏氏青年守節舅姑相繼辭世熒獨孤苦鄰里憐之相助殮殮如禮撫其子樹猷成立乾隆元年

旌表

李希勉妻董氏青年孀居剪髮自誓遺一子患痘險甚氏籲天祈禱以頭觸地血涔涔下未幾子死復甦人至誠所感苦節五十四年乾隆元年

旌表

郭允昌妻李氏二十二歲夫歿矢志守貞卒年九十二子遂孫民止皆為諸生乾隆元年

旌表

楊色粹妻張氏二十九歲守節姑病焚香祝天願以身代姑愈茹素終身撫子成立年八十四卒乾隆二年

旌表

庠生史雲鳳妻馬氏雲鳳兄弟四人先後俱歿娣姒中氏年獨少遺子方週歲氏奉舅姑和妯娌撫遺孤苦節賢孝人無間言乾隆二年

旌表

呂章祚妻劉氏年二十三歲夫歿遺子甫週歲未幾子復死取夫兄舉人岳祚子榮為嗣榮入府庠孫慶錫入邑庠乾隆三年

旌表

武勳妻董氏于歸未數月姑以產歿遺嬰方十日氏撫養成立八載夫亡子方一歲舅病痢九年氏奉湯藥甚謹教子干揚成立乾隆三年

旌表

楊言妻李氏夫歿遺腹生子矢志守節乾隆二年

旌表

郭文吉妻李氏二十二歲遺孤三月男始繼歿難助其孀蘇氏勤織紡以償之子亦成立乾隆五年

旌表

劉繼妻郭氏年二十一而寡歷三月生遺腹子氏矢志守節乾隆五年

旌表

郭登朝妻劉氏少年夫亡守節撫二子成立乾隆六年

旌表

劉芳聞妻王氏青年夫亡遺子癸三歲守節二十六在

乾隆六年

旌表

田生瑞妻常氏夫歿舅姑哀痛氏恐傷親令二子曰戲
應前以慰之後二子皆成名守節三十餘年乾隆六年
旌表

王宗祥妻底氏夫早歿守節取堂姪為嗣乾隆六年
旌表

生員李興聖妻尙氏結褵五載夫亡剪髮自誓姪女夫
怙氏撫若已出資奩皆厚子克家孫中選俱入庠曾孫
師程入太學乾隆七年

旌表

孫垂芳妻于氏青年夫亡姑失明扶持侍養始終不懈
守節四十四年子可銘入太學乾隆七年
旌表

郭正乾妻端木氏夫歿兩子皆幼遺腹又生一子氏天
志靡他孝養孀姑教子成立乾隆七年
旌表

李考妻陳氏于歸三載夫亡無子氏矢志守節歷數年
夫弟生子英發夫婦相繼亡舅姑憐氏少寡英發方弱
齡憂思成疾氏事舅姑益謹撫姪如所出入太學乾隆

履師縣志

卷二十一 列女傳上

七

七年

旌表

王德渥妻李氏二十而寡茹荼二十五年取堂姪爲嗣
乾隆七年

旌表

李作相妻姬氏早寡守志苦節五十二年乾隆八年
旌表

邱學文妻孫氏年二十三夫亡逾月生子撫養成立
乾隆八年

旌表

牛員張章程妻魏氏少寡教三子不事姑息子謀大郡
卒年八十一乾隆八年

旌表

魏之珩妻周氏夫歿無子取姪爲嗣撫育若已出守節
五十一年乾隆八年

旌表

鮑淵妻藕氏年二十一夫亡遺腹生子矢志守貞孝事
舅姑俄弟婦故遺嬰方數月氏並撫育成立守節三十
三年乾隆九年

旌表

邱海鼎妻關氏夫亡子方四歲氏從姪某逼氏改嫁氏以死誓旋欲害其子賴人救免多方庇護竟成立卒年七十九歲乾隆十年

旌表

趙珺妻武氏二十一歲夫歿欲投井殉之以姒救得免撫孤成立乾隆十年

旌表

馬倬妻魏氏年二十四夫亡無子以夫弟士偉子為嗣守節三十四年乾隆十年

旌表

朱德妻張氏青年守節殯祖舅姑之喪姑亡遺次子兩女皆幼氏為叔娶妻訓二幼姑女紅及時遣嫁雍正十二年伊洛漲房屋漂沒扶老舅移居氏母家別宅奉養及舅卒殯葬如儀教二子純紀皆成立乾隆十一年

旌表

王敬妻張氏二十八歲夫亡三子皆幼堅志守節撫子端士入庠大士正士皆成立卒年七十八歲乾隆十一年

旌表

王璞妻賀氏夫歿氏嚙指自誓孝事舅姑及卒殯葬如

禮訓子克寬成立守節四十三年乾隆十一年旌表

皆可信妻劉氏德性幽貞治家男耕女織各有條理生子三人孫七人曾孫三人閭家雍和年一百一歲乾隆十一年

詔旌其閭曰貞壽之門給建坊銀三十兩恩旨加賞緞一疋銀十兩

齊國正妻李氏年二十一歲夫亡堅志守節奉舅撫孤子授室數年夫婦相繼死氏撫養孫應選應召成成立娶妻數年應選及妻子與應召之妻皆相繼死應召女數月氏復躬為撫養守節五十八年為齊氏葬五世孫撫三輩孤苦操健材罕有共此終身不見笑容卒年七十九乾隆十九年旌表

李廷榮妻李氏夫亡時年二十五歲家業凋敝織紉綉綉易粟餬口守節五十餘年乾隆十三年旌表

周灼妻張氏年二十三夫亡遺子方二歲上事舅姑撫弱孤歷今三十七年乾隆十二年旌表

張紹觀妻郭氏于歸四年氏年十八夫亡無子取姪為嗣苦節教養成立乾隆十九年

旌表

李希程妻張氏十九歲夫亡守節無子取姪為嗣現年五十歲乾隆十三年

旌表

童生張泳妻張氏十七歲而寡撫孤子道凝成立現年五十一歲乾隆十三年

旌表

王翔龍妻陳氏二十二歲夫亡無子成立現年六十歲乾隆二十二年

旌表

張震妻張氏二十四歲守節乏嗣以族子克念為嗣現年五十七歲乾隆十九年

旌表

王氏雙節王仁澍妻李氏王仁治妻李氏仁澍子維相仁治子維樑均未遇歲仁澍先卒李氏矢志不嫁仁澍有兄嫂相繼亡李氏孝事舅姑撫二姪如已出俄仁治亦卒二李共矢柏舟仁澍妻李氏乾隆十九年

旌表

楊吉妻鍾氏乾隆三年九月有暴徒穴門入室持刀相逼氏力拒之詈罵不絕夫婦俱被殺畧見續通志

郭大新繼妻王氏夫亡守節撫前妻子文蒙與已子成立氏子文林文郁以貧故分爨文蒙家計窘甚陰囑所分宅與文林謀食他郡歸無居所氏怒詰文林文林以兄鬻狀告氏令出契投諸火以莊歸文蒙文蒙遂獨養母氏亦終不受文林文郁養訓導辛天捷旌其門文林友郁大慚悔與文蒙友愛如初

何世勳妻李氏二十一歲夫亡奉親撫孤歷十七年一夕毒其夫以饑寒告次日遂歸寧歸行語父母曰兩子長成兒事畢矣父母莫喻其意抵家夜設酒漿褚衣祭夫遂自縊死邑令張育徽表其門畧見續通志

張光英妻梁氏年十九夫故氏苦志守節卒年八十一郭爾朝妻李氏二十六歲守寡上事舅姑下撫子姪竟盡婦職歷二十九年卒

馬世貢妻李氏侍姑病色養備至世貢以汲落井并深三十丈人奔告之氏方奉姑湯飯止令勿言密趣人救之已急赴視夫得出母病尋愈人謂精誠所感夫弟三人俱幼氏撫之尤厚爲人所難云

田鍾粹妻徐氏二十三夫歿取姪爲嗣撫猶已出孫三

魏入庠年八十一卒

重坤妻李氏二十五夫故遺孤方四歲氏撫孤成立授室後復故遺孫六歲氏撫養尤歷艱辛知縣郭振寬其孀役年七十九卒

郭一訥妻丁氏夫歿時年十八遺孤僅數月氏截髮自誓奉事舅姑備極孝養撫孤景春成立景春亦以孝謹著邑令魏惟紫旌其門並旌景春

董生李萃馨妻金氏于歸六年夫歿氏號泣欲殉舅以天義喻之氏含泪默然乃求為夫立後孝事舅姑相繼歿嗣子亦成立氏欲從夫地下歸寧與父母訣曰定不

再來矣抵家言笑自若語小姑曰我死之後幸歛我屍毋假手他人姑愕然復給曰戲耳及夜遂自經死晨與啟戶見旁置鏡奩衣服整肅如故郡守張漢旌其門

田溥妻宋氏年二十三夫亡奉親撫孤守節三十三年卒

李氏雙節李蘭桂妻梅氏李可宗妻牛氏梅十六歸桂三年夫故遺子可仕方二歲可宗方在孕守節四十年卒牛歸宗一年宗故遺子進祿方彌月奉姑守節三十年卒

喬永程妻任氏程亡年甫十八無子取姪元正為嗣家

貧甚氏以勤儉上事翁姑下撫繼子元正尋死氏與婦楊氏勵志撫二孫遭遇尤極艱難卒年四十九歲

鄭明妻段氏年二十三夫亡生子鴻儒方數月堅志守節後鴻儒人庠氏年八十一卒守節五十八年

劉錫極妻臧氏年二十五夫亡遺子甫五歲織紡撫孤子之後入庠年七十九卒守節五十四年

趙思敬妻崔氏二十二夫故遺一子奉親撫孤子授室後夫婦相繼俱死復撫孫成立年七十五歲守節五

三年

于世道妻蘭氏夫亡氏撫孤守節歷年五十四歲

劉復元妻陳氏年二十二夫故氏奉翁姑撫幼孤苦節五十五年子孫曾元稱蕃盛焉

武珍妻常氏十六于歸奉翁姑克盡孝養二十四夫亡苦志守節勤儉教子年九十餘卒

武有魁妻關氏奉繼姑以孝聞年二十夫歿子幼撫以成立苦節五十年

高瑤妻薛氏年二十三孀居奉親教子苦節四十餘年尙得瑤妻房氏二十歲夫歿奉翁姑以孝聞年七十餘卒守節五十餘年

陳元亮妻郭氏夫亡誓以身殉姊妹共勸諭更防簫之

氏流涕不荅乘夜挾刃假他事出室外自刎死事在

康熙四十三年

張駿功妻周氏十六于歸三十夫故撫養孤兒邑令蔣如昇旌其門年八十六卒守節五十六年

王楷妻劉氏蓬萊知縣呈瑞子婦也年十九而寡遺二歲孤孝奉翁姑撫子式曾為諸生尋故復撫孫成立年八十餘卒守節六十餘年

王阪妻王氏二十二夫故苦節撫孤克底成立喬爾雅妻周氏二十五夫歿氏堅志守節卒年七十七

生員陳瀚妻張氏年二十八夫故事病姑艱苦備嘗孝聞歿葬如禮擇師教子長士模入邑庠

石鑄妻趙氏二十四夫歿遺孤方二歲舅姑俱老氏自矢教子不事姑息先是鑄伯兄卒遺子三齡氏撫養成立娶妻而故氏與姪婦郭氏同處一室撫姪孫長

庚成名守節四十三年卒

王道宏妻朱氏二十一夫亡遺二子家貧氏勤紡績養舅姑育弱子卒年七十四邑令旌表其門

李作襟妻劉氏事舅姑及祖姑以孝聞撫育其叔弟尤厚長子希藩為諸生孫世汪世喜世光俱庠生女適王

仁對早寡遺子繼相氏迎女同居撫維相立名以成女

之節邑令屢旌其門女別有

王氏雙節王愷妻郭氏王之漢妻汪氏郭二十五愷歿遺子之漢矢志撫孤長授室子故遺子坤方四歲與婦汪氏同嘗艱苦撫之成立郭氏年八十八卒汪氏年九十二卒

嫗良輔妻王氏訓導之身採婦二十六守節歷奉兩世舅姑無間言康熙六十年歲荒氏與三子流離西平僅歲稍豐歸里力葬數世柩以壽終

蘇若灑妻王氏于歸五年夫亡氏矢志守節紡績織經奉養舅姑訓子成立卒年七十九

亡遺一子一女氏勤儉紡績事舅盡婦道叔婚姑嫁皆中禮于亦成立舅歿泣然曰吾報夫事畢可相從地下矣遂絕粒死

增生董臣哉妻張氏年三十夫歿未三日又遭舅喪二子幼拊膺悲號竭志盡禮及長督教甚嚴次子昱登癸正丙午賢書孫經麟亦入庠

王九朝妻宋氏夫歿氏年未三十苦志守節七十餘載年登百歲如少壯時

石應華妻齊氏年二十二夫歿子健甫週歲氏念舅亡

姑老守節教子成立卒年五十九畧見續通志

楊生春妻周氏十九夫故遺子作霖方五月氏矢志撫孤孝養舅姑又代撫兄嫂遺孤咸得成立年九十五終知縣郭振給匾表其門畧見續通志

李光裕妻王氏十七于歸甫六載夫亡氏矢志撫孤孝養舅姑年七十八卒邑令郭振表其門

廩生張楷妻王氏年二十三夫歿奉事孀姑教育遺孤孝義兼盡子嵩力學應歲薦皆母訓也

劉錚妻呂氏錚故氏年二十九念舅老夫無嗣忍死守節家貧歲歎紡績供甘旨經營井具克如禮取於子

武爲嗣年六十卒畧見續通志

庠生寇景運妻劉氏二十四夫亡子珩甫六歲氏矢志守節孝事舅姑苦節四十二年卒子珩入庠孫雲台登

雍正壬子賢書

童生劉昌順妻王氏于歸七年而寡子二長六歲次四歲氏撫遺孤克盡義方勤苦紡績晝夜不輟子發祥登雍正己酉鄉薦發震入庠食餼卒年五十八歲

石氏三節皆石邦祿子婦也長文浩妻齊氏年二十七文浩故次文法妻李氏年二十八文法故三文浩妻郭氏年二十三文浩故三婦先後矢志不二奉事舅姑交

撫諸兒成底成立及舅姑歿共襄葬事如禮齊守節至今四十八年李守節至今三十三年郭守節三十二年郭先卒畧見續通志

喬珩妻高氏年二十一夫卒氏以死自矢家故貧值康熙六十年歲荒備嘗荼苦撫本毅成立婦亡不能再娶氏復代撫二孫年六十六歲

馬名升妻李氏二十六夫亡舅老截髮自誓取族子為嗣養老撫幼始終不渝邑令王澤長表其門

王朝賓妻宗氏二十四夫故撫子寅成立娶婦吉氏年二十一寅亦故吉矢志同姑守節邑令郭振旌其門

喬樹妻馮氏年十九歸櫛生子元臣元麟櫛卒氏年二十六撫二子成立現年五十七歲

劉芳璽妻張氏苦節終身艱難備嘗人稱賢婦孫維幹妻任氏十九而寡遺腹生一女取姪文純為嗣現年五十歲

李維垣妻趙氏年二十夫亡遺孤甫四十口姑孀居苦貧乏氏奉姑撫孤紡績度日遇宗族嫠婦尤能善言勸慰以成其節人賢其以身教焉畧見續通志

蕭克敬妻張氏結縭三年夫亡無子孀姑相依姑有疾卧起皆以身負弟生員涵感其志為立嗣

曹瑞妻巢氏年二十八夫亡奉姑撫孤苦志守節現年六十四歲

李希讓妻張氏苦志守節人稱完貞

王彬妻臧氏二十二而寡遺子方二歲奉親撫孤艱辛備嘗邑令蔣如昇旌其門

王廷璠妻李氏年二十六夫故順事霜姑恩撫二孤苦節終身

程思敬妻王氏于歸四年而夫亡遺腹生子成立投室後子婦相繼死舅姑又相繼死氏苦節愈勵復撫孤不辭勞瘁

薛生劉彭年妻魏氏于歸八載夫故守節三十六年子光乙次恪次良孫燦文俱為諸生

彭氏雙節彭熙麟妻劉氏彭熙鳳妻王氏結褵未幾熙麟熙鳳相繼歿遺子俱幼舅姑感傷成疾二氏矢志守節承歡高堂撫二孤亦俱成立畧見續通志

李珣妻王氏年二十而寡孝養舅姑義方訓子守節五十七年

張寬妻邵氏二十四夫故守節五十八年孝事舅姑訓子成立

郭允讓妻武氏青年守節孝事翁姑並撫孤子備嘗艱

辛

冨文秀妻李氏二十二歲生子杰甫二年夫歿氏上事老舅下育弱息僅歲歉紡績自給備嘗艱苦

張銑妻楊氏十七于歸八年夫故生子方一歲氏矢志守節歷今四十二年

張景義妻牛氏年二十六夫歿矢志守節現年七十四歲

張允昇妻陳氏夫歿氏年二十七熒獨守節撫孤成立生員李作梅妻張氏十九歲夫歿遺孤未彌月奉舅姑撫幼子守節不二邑令旌其門

生員郭宏祥妻薛氏夫歿年二十八歲苦節自守歷今四十餘年

邢譚妻段氏二十五歲夫歿生子僅一日立志守節現年五十五歲

林作楫妻王氏十九于歸未踰期夫故遺腹生子堅志守節事舅姑以孝著現年五十二歲

程允禮妻趙氏二十四歲夫故僅遺一女氏苦節自矢現年六十九歲

喬國佐妻馬氏十七歲夫亡父母皆老遺子興仁甫四十日矢志守節事二親生死盡禮撫子成立今六十歲

劉肇德妻李氏年二十三夫亡氏紡績養舅姑取族子
為嗣撫育成立

趙希孟妻馬氏二十五夫亡撫孤守貞備嘗荼苦現年
六十四歲

張永昇妻余氏舅姑早死氏年二十五夫歿遺腹生子
棟守節撫孤以紡織兩目失明越三載目愈如故人以
為貞節所感

王曰璋妻馬氏年十九夫亡守節撫孤現年六十五歲
董秉智妻張氏年二十九夫亡矢志守節奉舅撫孤克
盡孝慈俄舅與子俱死艱苦不渝現年七十三歲

孫夢魁妻卜俱為諸生

房士祿妻張氏年二十六夫歿遺子甫六歲奉姑教子
竭盡孝慈現年五十八歲子三元為庠生

李宮弼妻彭氏二十一歲夫亡遺子學敏甫二歲氏矢
志守貞艱苦萬狀現年五十三歲彙載續通志

閔祿先妻齊氏年二十三夫故生遺腹子鞠育成立事
舅姑盡孝道守節四十餘年

李棕妻丁氏二十八歲夫故無子取族子為嗣守節已
四十六年

呂貞祚妻李氏夫歿遺孤甫四歲氏矢志守節奉姑撫孤歷今已三十年

李崇仁妻張氏二十一夫故氏矢志苦守撫兄子不異已子現年六十三歲

王樞妻杜氏于歸夫歿守節遺孤疫癘益剪髮自誓孝事君舅錢塘修撰周濤為立傳畧見續通志

裴倬妻楊氏于歸二載夫歿生子僅彌月家貧甚氏奉翁撫孤授室後子復亡遺弱孫僅彌月復與婦撫育家無握粟而姑婦和協如母子

張秀妻劉氏二十夫故氏矢志守節康熙四十八年

又捐糧六十石賑濟馬澗河餓民感戴善婦碑且

令將如昇旌其門 陳廷賢妻沈氏年二十四夫亡奉姑教子年登大耋稱完節焉

齊法孔妻李氏于歸四年夫故遺子榮貴氏立志守節

康熙二十七年地生瑞穀邑令王澤長旌其門 邢冕妻程氏二十七夫亡矢志守節現年六十四歲

馬生禎妻梁氏于歸七載夫故子方一週家道窘甚氏

勤紡織現年七十歲

增生邢琰妻許氏二十三夫歿氏甘貧守節卒年七十歲

郭真妻程氏二十九歲夫歿孝事舅姑撫育孤幼現年六十三歲

楊天溥繼室王氏二十九歲而寡子大經甫七歲守節撫孤邑令胡天祿旌其門

李宗福妻劉氏二十九歲夫歿遺子甫四歲舅姑俱老天志守節奉親撫孤備歷艱辛始終不渝

王文斗妻張氏二十二歲夫亡遺子女各一值康熙三十年大饑採蕨藜自充終不改節

王氏雙節生員王寅妻蕪氏二十八夫故遺二子姪生秀生王成妻董氏二十三夫亡取姪秀生為嗣孫經為

諸生李培植妻趙氏于歸期年夫故氏年十九無子取族子

為嗣苦志守節產生郭起龍妻詹氏二十八守節子岱援例入太學

李文明妻侯氏夫亡時氏年二十七遺子週歲氏撫孤成立

鮑氏雙節鮑懷貞妻王氏二十七夫故守節撫遺子與

齊成立娶婦魏氏未幾子亡魏年二十四取姪為嗣與姑同矢志守節焉

袁璠妻朱氏二十七夫亡撫遺腹子稱苦節

劉忠妻田氏二十一夫亡守節撫遺腹子成立

王世興妻張氏十九夫亡遺子秋兒僅一歲矢志守節終身不渝

趙璞妻劉氏二十三夫亡取姪世祥為嗣矢志守節現年六十二歲

趙深妻張氏于歸五年夫故遺孤三歲撫育成立守節五十八年

六十歲 趙雅妻孟氏二十歲夫故撫孤守節今年六十八歲

史氏雙節史建中妻張氏子振緒妻郭氏張年二十八而寡守節撫孤現年七十歲郭年二十三而寡與姑同

矢完節撫孤廷棟逾弱冠亡遺孫數齡氏矢志彌堅現年五十五歲邑令郭振旌其門

史洪妻鄧氏二十四而寡取族子為嗣亡又取姪孫為嗣現年七十九歲

趙國珍妻劉氏二十七夫歿撫子玉龍成立現年九十

六歲

張翥妻趙氏二十九夫歿守節現年七十三歲

閔忠先妻化氏二十歲夫歿生遺腹子死取姪為嗣現年六十二歲

常時泰妻申氏二十六夫歿遺二子成殮之縊於樞

側舅姑奔救得撫祖姑勸之乃忍死守節奉親以女紅給甘旨教二子成立現年八十四歲

臧啟佑妻楊氏二十二而寡撫孤守節

張從妻王氏年二十八夫亡撫孤守節

李秉政妻楊氏年十九夫歿撫子成立

葉通一妻李氏年二十夫歿取姪為嗣督學錄入

盧生李孟侯妻殷氏侯故氏自縊以殉邑令蔣如昇旌其門

董朝瑞妻宋氏青年夫歿姑誓且癱氏竭力奉養撫子

慈入成均思亦成立

董璠妻焦氏二十六而寡邑令蔣如昇旌其門

齊光嗣妻張氏于歸未幾夫亡氏撫兩孤子成立苦節終身

郭峨妻張氏年二十六夫亡苦節撫子尤奇為國子生

王正林妻張氏二十七而寡苦節終身撫子成立

張雙福妻張氏二十歲夫亡矢志守節現年五十歲

李振唐妻李氏十九夫亡矢志守節邑令張育徽旌其
同

陳隧妻馬氏二十夫歿矢志守節督學張考旌其門

劉宗智妻喬氏二十四歲夫故苦節撫孤

張燦妻趙氏二十七歲夫故遺三子苦節撫立季子鳳
庭爲國子生

段明倫妻李氏二十六夫亡遺腹生子苦節撫孤

段士成妻李氏二十四夫亡無子矢志守節

張克寬妻鄭氏十九夫亡僅遺一女氏苦志守節四十
餘年現年六十歲邑令旌其門

林應仕妻聶氏二十四夫亡遺孤方數月氏撫孤授室
後病亡氏嚙指示婦婦截髮慰之現年九十餘歲

李永泰妻楊氏二十夫亡子翼方二歲苦節五十餘年
子翼爲諸生

張列心妻李氏年二十八夫故取姪爲嗣天亡又取姪
孫繼之生曾孫僅數日姪孫又死氏與婦同苦撫孤現
年六十四歲

王汝學妻武氏于歸四載夫亡遺子平甫二歲翁姑相繼卒氏撫孤守節

魏廷相妻武氏于歸十年夫亡遺子明顯方週歲氏養姑撫孤矢志不渝邑令俞鑑旌其門

臧丙寅妻張氏二十七夫亡子未週歲氏守志撫之並撫無母之姪與子同入庠現年五十九歲

牛湛妻吉氏二十九夫亡遺子元會氏守節奉親教子久庠邑令崔振琳旌其門卒年九十一歲

張謙妻章氏二十歲孀居子方週歲氏矢志守節事舅姑盡孝教子士超入庠現年五十二歲

陳國玉妻段氏夫亡矢志守節取姪爲嗣邑令旌其門

稽文祿妻朱氏二十五歲而寡子痴愚不能聘婦適取姪承祧現年六十二歲

張含馨妻麗氏二十六夫故遺腹生子亮氏操機杼課入庠故氏撫育孤孫茶苦備嘗現年六十四歲

劉芳行妻劉氏年二十七夫亡撫孤守節現年七十四歲

武調公妻劉氏二十二夫亡遺孤三月守志不渝現年六十歲

董昆妻閻氏二十二夫亡勵志苦節現年五十八歲

鄭氏雙節鄭耀妻牛氏子乙秀妻侯氏牛二十九耀故
 無二孤成立授室未幾二子相繼死侯二十三歲無所
 出取族子為嗣孝奉牛氏殮殮如禮侯現年五十五歲
 張紹先妻王氏十七歲夫故舅姑年老子未週歲氏上
 事雙親下撫弱孤現年五十歲

呂士云妻王氏年二十八夫歿奉舅姑撫遺孤孝慈兼
 至孫宗堯宗湯俱入庠現年八十六歲學使林枝春旌
 其門

童生喬爾信妻王氏夫故氏年二十三歲奉親撫孤善
 孝克著現年六十一歲

李滌妻宋氏二十一夫亡守節逾十五年以夫弟之子
 華曾為嗣現年五十九歲

王仝妻丁氏二十四夫亡取族子為嗣現年六十九歲
 于寔妻馬氏于歸五年夫故氏撫育幼子勤儉持家長

授室生孫彌月子死率婦鞠育幼孫現年五十四歲
 韓禮妻王氏于歸二年夫故取姪為嗣撫育不異已出

娶婦蘭氏生孫期月繼子又死氏與婦茹苦撫育嬰孫
 成立現年六十九歲

馬世貴妻蘭氏二十歲夫歿取姪光迪為嗣娶妻尋亡
 氏與婦鞠育嬰孫現年五十五歲

庠生王則武妻焦氏于歸五年夫歿遺孤方週舅姑衰
老氏截髮自誓守節四十一年

苗方滋妻邢氏十八于歸越五年夫亡撫孤成立守節
四十五年

趙詩誦妻王氏十六于歸二十一歲夫故撫子成立守
節五十九年

生員席玉振妻喬氏二十八歲夫故取姪君寵爲嗣現
年六十八歲

王俊士妻趙氏二十一歲夫亡遺子甫週歲甘心守節
現年五十八歲

張氏二十二歲守節取姪欽傳爲嗣現年五
六歲

王儀妻陳氏二十八歲夫亡取姪爲嗣撫養成立

李世道妻高氏二十八夫故撫子成立守節三十二年
田季隆妻蘭氏二十歲夫故撫孤成立苦節終身學使
張考旌其門

庠生郭宏業妻王氏二十二而寡遺子錦垣氏矢志守
節邑令旌其門

那又昂妻孫氏二十九歲守節現年六十九歲

姬漢昌妻李氏年二十三歲夫歿子甫四歲苦節四十

八年現年六十九歲

簡氏三節蘭嵩來妻田氏二十六歲夫故矢志守節後長子逝遺妻張氏少子歿遺妻黃氏三孀皆成完節氏六十三歲卒

王時純妻魏氏二十四夫亡撫孤成立年七十歲卒

童生張洛撰妻史氏二十二而寡事祖舅及寡姑克盡孝養姑失明十餘載侍奉不倦雍正間伊洛水溢所居村廬舍盡沒氏率子負姑立水中無恙水退幸子整理藏書曰此先世手澤也其曉大義如此現年五十三歲齊永祥妻李氏二十七歲夫歿子幼方三歲撫孤

現年五十九歲

王掄彥妻丁氏二十九夫故遺子未週歲守節撫養令子爲諸生

于世法妻孫氏于歸三載夫故遺子方一週舅姑皆墜白氏勤儉奉養教育遺孤現年五十三歲

徐賓妻姚氏二十三夫故遺腹生子守節撫孤現年五十八歲

李含華妻邢氏二十五夫歿遺二孤乾隆三年學政張表其門現年六十一歲

童生劉士璋妻李氏二十四夫亡遺腹生子撫孤守節

現年六十八歲

程啟沃妻劉氏二十五守節苦志撫孤克臻成立

鮑紵妻倪氏二十二而寡矢志守節邑令旌其門

劉啟祚妻王氏二十二夫歿遺一子授室夫婦相繼死

撫孫成立現年七十歲

吏員王國選妻孫氏二十四夫故遺子週歲矢志守節

邑令俞鉉旌其門

劉廷瑤妻董氏二十七夫亡撫子景宗為諸生生子四

歲景宗歿撫孫茶苦備嘗稱為完節

王士超妻汪氏十七夫亡矢志撫孤孝事舅姑撫遺

若己子現年六十五歲

張岳妻林氏岳以福建總兵移鎮歸偃師岳故宦無餘

費氏翼子備嘗茶苦教子例貢生際可孫庠生元庚元

炎皆成立

石錦妻穆氏二十七夫亡守節孝舅姑撫遺孤後葬二

親歸過夫墓一慟而死死年七十一歲

儒童張啟峻妻石氏歸張一載子方在抱夫死守節三

年母欲奪志不食死時年二十三歲

儒童王進表妻石氏于歸三載夫亡事親撫孤備嘗艱

苦子納婦相繼而亡取從孫承嗣年八十四卒學使蔣

表其門

儒童王瀚妻李氏于歸未及三年生女夫歿以夫兄子為嗣既成立而氏死守節二十八年

童生李志仁妻賈氏太學生顯儒母二十歲夫亡守節教子九十二卒邑令郭振表其門

張延祚妻袁氏二十六夫亡長子三歲次彌月辛勤撫養成立現年八十二歲

童生杜誠妻劉氏二十五夫亡撫遺腹子超傑成立現年六十六歲

高世道妻尙氏二十五夫亡取從子為嗣現年五十七歲

儒童高遇俊妻楊氏未二十歲夫亡遺子甫六月守節撫孤現年五十餘歲

高宗祿妻郭氏二十三而寡遺腹生一子守節教養現年五十歲

高宗賢妻王氏十八夫故子甫週歲撫孤成立現年五十九歲

丁氏雙節丁時泰妻田氏子中勳妻王氏田二十夫亡撫二孤歷五十四年卒王年十八中勳物故取姪為嗣

守志已三十五年

趙葛妻張氏氏二十二夫亡取姪為嗣苦節三十三年
庠生姬卜都妻楊氏二十一夫亡生遺腹子宏緒撫養
成立入太學守節三十一年卒

喬文學妻李氏二十一夫亡奉親撫孤矢志守節卒年
七十三歲

盧國良妻刁氏二十四夫亡守節三十一年
王氏雙節玉珞妻呂氏二十五夫故遺子立極甫四歲
撫養成立娶媳呂氏其子又亡取姪孫二元為嗣氏理
年六十一歲

童生朱鳳儀妻杜氏二十七夫歿遺孤三歲又生遺腹
子家貧甚食採野菜績紡奉翁姑不離左右歸寧亦不
越宿撫二子成立艱苦萬狀邑令洪心澄旌其門卒年
九十一貞壽罕有其匹

翟良景妻董氏二十三夫故子震生方二歲苦節十八
年卒孫允宏入庠

李希堯妻康氏二十七夫故撫孤成立現年五十九歲
鄭爾身妻劉氏二十六夫亡子七歲守節五十三年
藺鳳來妻盧氏二十一夫亡無子氏矢志奉親織紡度
日守節三十六年

監生張所蘊妻張氏舅歿姑年逾八旬病癱瘓氏起卧

扶持九年夫歿後教子遲入庠村民貧鬻其子氏施金贖之嫁僕女不取金為具粧奩遣之

呂良佩妻周氏二十七歲夫歿撫孤守節四十七年

呂義龍妻張氏二十五歲夫亡子良璽四歲冰霜自矢邑

令王近頤表其門守節五十年卒

吉聖學妻賈氏十九歲夫故子三德二歲矢志守節子入

太學邑令郭振表其門卒年八十三歲

黃銘妻張氏二十六歲夫故遺子三歲氏矢志守貞卒

年六十八歲

及奉慶姑俱以孝聞卒年七十三歲彙載續通志

楊應銓妻王氏二十歲孀居生子成林甫八月舅姑年

逾六旬氏慇懃奉事訓子入太學現年八十三歲

楊景悅妻徐氏二十八歲夫故遺子如杞未週歲氏甘

貧守志苦節二十五年卒

以上俱朱志彙載續通志

以下採訪補府志事實

史廷楠妻張氏十九歲夫歿孤照丹生僅十日氏推燥

就濕劬勞鞠養教照丹勵志成名為邑明經守節四十

年乾隆二十四年

旌表

孀大成妻劉氏二十五夫歿親老子幼氏嚙指誓守舅
禮不仁姑失明氏服勤扶持瘳者能起行盲亦能視人
訓子烹入庠尤好義子貞遇暑煮茶官道濟人渴完貞
三十八載乾隆三十八年

旌表

節童王劄妻張氏年十九于歸數月夫歿舅未葬病姑
昏牀氏矢志守節晝夜辟繡經營養葬立嗣家相零丁
鬻閱得成立三十九年如一日乾隆四十年

旌表

王益妻劉氏萬益隨父希程服翼鞠養幼子歸
卒過狂且王孝門孝窺氏艾護喪無狀氏怒詬之孝
其後至深溝中前強掣其中衣氏死拒大呼適聞行路
人聲近孝驚棄之遁氏號訴族人懷利刃請孝家衆婦
勸阻氏益忿怒夜縊死孝門柿樹下乾隆四十二年
旌表真孝於法

孝婦監生張炳妻王氏夫歿姑年七十患癱症氏待湯
藥扶掖抑搔罔懈遇天暖背負之出入三十年如一日
姑歿遺二婢有以重金求買為妾氏堅不允為擇良家
嫁之粧奩皆豐子德富候銓州吏目卒年七十三歲

喬克勤妻趙氏性貞靜寡言笑家貧晝為人摩金錢夜
績紡以奉姑姑病祝北斗願以身代尋愈年二十九克
勤病革囑氏改嫁氏垂淚曰君無以我念倘君不測惟
相從地下克勤死經營殯殮畢自縊死

儒童王士興妻馬氏年二十夫歿取姪作師爲嗣鞠育
訓誨守節三十五年訓導白徙南旌其門

韓氏雙節韓景忠妻袁氏年二十八夫歿奉舅姑色養
備至取姪廷仕爲嗣韓景載妻胡氏二十二夫歿取姪
廷傑爲嗣廷傑死氏與婦勵志撫孤訓導丁元化旌其

烈烈妻丁氏年二十九烈顯歿正室亦歿遺三
女氏撫育如已出教二子不事姑息長子輝考授州同
次子桐入成均教諭袁德彰旌其門

儒童韓敏行妻戴氏二十六歲夫故青年守節勤儉持
家教長子麟兆以嚴爲副貢生

庠生曹無息妻武氏年二十八夫歿矢死靡他事雙親
養葬盡禮撫五歲孤子翰頤入庠孫潤章亦入庠現年
八十六歲

曲氏雙節曲厚妻張氏二十二歲夫歿遺孤藻丹氏誓
節撫養娶婦李氏藻丹又歿姑婦相依勵志守貞

王懷濱妻董氏二十歲夫歿氏矢志靡他上事尊嫜事
撫弱息勞瘁以死

戴法禹妻郝氏二十歲夫歿遺孤惇惇姑嫜衰老氏矢
志不二養葬盡禮子得成立水操益勵

段爾力妻張氏十九歲夫歿撫官選為嗣備嘗艱辛俾
立家室苦節五十餘年

郭全生妻宋氏青年守志家貧歲歉採枲茹荼勁節不
懈卒撫孤嗣成立

增生張元庚妻王氏子歸未數載夫歿奉侍尊嫜鞠育
孤嗣白首完貞

李勤數十年老節
喬金鑑妻龐氏年二十六夫歿遺孤數載又以痘殤號
泣自縊死

張所行妻蔡氏二十四夫歿以姑嫜衰老夫弟所性尙
幼且無嗣矢志守節承歡膝下晚年所性生子錦堂取
為嗣現年七十歲

段氏三節段瀚妻趙氏青年守節撫孤璞章為嗣娶王
氏璞章歿王年二十撫姪克緒為嗣娶高氏克緒又歿

高年二十八撫孤姑婦共養孀姑終始不倦

費自英妻任氏年一十七夫歿矢志靡他立嗣鞠養備嘗
荼苦守節五十餘年

張錫爵妻賈氏年一十夫歿呱呱弱息百方鞠育成立
守節四十餘年歿

王生妻曲氏十八歲夫歿孀姑弱息紡績養育撫夫弟
成立訓子萬年入庠年七十而終守節五十四年

庠生張克紹妻章氏二十歲夫歿守節取姪林爲嗣
孫念祖入庠數十年稱完節焉

喬文耀妻田氏二十一歲夫歿遺孤尙幼焚爇無依
苦鞠育俾得成立

丁...妻喬氏于歸...夫歿家計艱窘氏...
處之怡然孝慈兼至守節四十年

趙元明妻魏氏十九歲夫歿矢志守節撫孤成立支撐
門戶克光前業三十餘年不少懈

鄭岐妻閻氏結褵未久夫歿撫遺孤事尊嫜備嘗辛苦
守節完貞

孫廷玠妻郭氏青年守義撫孤成立苦節至死不渝

張玉珮妻韓氏夫歿剪髮誓誠養葬尊嫜備極孝道

倪棕生妻袁氏二十三歲夫歿無子舅姑已老越數年

勇歿奉孀姑克盡婦職取弟子逢壬承繼守節四十一

三

秦應詔妻柳氏年三十夫歿忍死矢志以姪可觀為嗣
辛苦鞠養尤能以禮法訓誡一生衣麤布茹菜蔬嘗語
人曰吾未亡人不可以肉帛也鄉閭賢之

儒童呂梅妻王氏二十五夫歿績紉以供親養葬盡禮
嗣慶來天取西有為慶來繼孫艱辛盤錯矢志靡他卒
年八十九守節六十四歲

王斌妻宋氏年二十六夫故繼姑在堂孤士元士魁但
幼氏孝姑撫幼養家濟貧鄉里稱善享壽八十三守節
五十七歲邑令李_某題其門

志守節績紡養膳及卒喪葬如禮教子文河成立守節
四十九歲卒年七十五歲

祝生補毓秀妻楊氏二十八歲夫歿孝事舅姑養葬如
禮訓子廷蘭食餼於庠卒年七十二歲守節四十四年

李世胄妻丁氏十九歲適世胄事舅姑及祖姑盡孝二
十二歲生子女宮琇方過世胄歿氏矢志守節三十二載

事老撫幼孝慈兼盡乾隆二十六年故享年五十五歲
李世甲妻蔡氏二十六歲夫故遺子宮渠及婦牛氏相

繼死孫振武方四歲氏矢志冰霜義方克盡茹荼飲藥

不自言苦族親請建坊氏堅執不從曰吾但爲夫延一
脉耳非爲名也守節五十二年卒年七十八歲

張繩祖妻李氏于歸三月姑歿年二十三夫故氏矢志
完貞與祖姑馬相依爲命奉事不懈馬九十四終氏取
任鑿爲嗣舉喪葬中禮現年六十五歲守節四十二年
張嵩麟妻李氏年二十三夫歿遺二子尙在襁褓祖姑
李年八旬餘翁姑多病氏織紡膳養祖姑及翁姑終始
不渝喪葬合禮訓二子成立現年六十二歲守節三十
八年

曾孫妻滑氏二十七歲夫亡二十初家貧遺荒饑殍不

終氏矢志靡他績紡奉舅養生喪死無缺訓二子嚴良
佐入郡庠享壽八十九歲守節六十二年

儒童馬從龍妻海氏年二十七夫歿忍死守志侍奉兩
世舅姑連舉六喪殯葬盡禮皆出紡紉之資撫二子一
女成立有功入泮苦節四十四年

趙萬選妻張氏年十七夫歿氏念舅姑在堂子來儀甫
生四十日矢志守節紡績養膳喪葬盡禮教子入泮撫
孤姪亦入泮清操亮節終始不渝

王登龍妻張氏十八歲夫故堅貞自誓績紡以奉孀姑
養葬無缺禮所立嗣婦不孝惟自傷感雙目失明邑令

王煊旌其門

周士義妻劉氏二十八歲夫故事翁二十餘年事姑五十餘年故撫孤毓芳成立邑令王煊旌其門

耿獻畧妻曲氏十八歲夫歿奉繼姑終始無懈教子世平以義方入太學孫明德入庠乾隆三十九年

旌表

郭承儀妻尙氏十九歲夫故遺孤宗洙未彌月氏矢志撫孤上事翁姑最孝教子耕讀守節四十五年卒乾隆

四十八年

妻蕭氏年二十七夫歿氏堅忍矢志孝奉舅姑

養嗣子履毓入太學守節五十三年而卒

曲紹先妻高氏夫歿義方教子入庠年六十餘翁姑俱壽逾八旬每飯必親嘗不待娣姒問安佐餽如初

時

<p>傳真野水元</p>	<p>卷二十一</p>	<p>四</p>	<p>傳真野水元</p>	<p>卷二十一</p>	<p>四</p>	<p>傳真野水元</p>	<p>卷二十一</p>	<p>四</p>	<p>傳真野水元</p>	<p>卷二十一</p>	<p>四</p>
--------------	-------------	----------	--------------	-------------	----------	--------------	-------------	----------	--------------	-------------	----------

